

Naqqiut

Siunnersuut 28.01.2019 ulloqartoq taarserpaa

(Teknikkimut tunngasunik allanngortitsisoqarpoq)

Siunnersuummut nassuiaatit

Nassuiaatit nalinginnaasut

1. Aallaqqaasiut

Sanaartukkat innaallagissamut sakkortuumut atugassat atortullu innaallagiatortut pillugit Inatsisartut peqqussutaat 1994-imi atuutilerpoq. Inatsisartut peqqussutaata misilittagaqarfigineqarnera pitsaasuusimavoq, kisianni peqatigisaanik Innaallagissiornermut oqartussat, oqartussatut immikkoortutut Inatsisartut peqqussutaata allaffissornikkut aqunneqarnera isumagisarigaa erseqqissarneqassasoq, kissaatigineqarsimavoq. Taamaattumik siunnersuummi inatsisitigut inissisimaneq, ullumikkutut itsillugu ataatsimoornerulersinneqarpoq, tassani suliassat Inatsisartut peqqussutaat malillugu Nukissiorfinniittut Innaallagissiornermut oqartussat, suliarisarmasigit.

Siunnersuummi taamaalilluni allassimavoq, gassinut suliassaqaqarfimmituulli, Innaallagissiornermut oqartussat, innaallagialersuisartut akuersissummik tunineqartarnerannut aammalu suliassaqaqarfimmi maleruagassanik aalajangersaasarnermik isumaginnittuusut.

Siunnersuummut atatillugu taamatuttaaq Innaallagissiornermut oqartussat, siusinnerusukkut Nukissiorfinnut aningaasaliissutitigut aningaasalersorneqartut, teknikkikkut avissaartinneqarput. Tamatumunnga taarsiullugu Innaallagissiornermut oqartussanut inatsimmi immikkoortumik aningaasanut kontoliisoqassaaq, tassunga maannamut aningaasaliissutaasut nuunneqarlutik.

2. Siunnersuummi immikkoortut pingaarnertit

Siunnersuummi erseqqissarneqarpoq Innaallagissiornermut oqartussat, Inatsisartut peqqussutaat naapertorlugu suliassanik isumaginnittuusooq. Tamatuma saniatigut siunnersuut teknikkikkut iluarsiinissanut erseqqissaanissanullu siunnersuutininik imaqaqarpoq.

| Inatsisissatut siunnersuut inatsimmut atuuttumut sanilliullugu | |
|---|--|
| <i>Oqaasertaliineq atuuttoq</i> | <i>Inatsisissatut siunnersuut</i> |
| | § 1 |
| | Sanaartukkat innaallagissamut sakkortuumut |

| | |
|---|--|
| | atugassat atortullu innaallagiatortut pillugit Inatsisartut peqqussutaat nr. 12, 3. november 1994-imeersumi makkua allanngortinneqarput: |
| Sanaartukkat innaallagissamut sakkortuumut atugassat atortullu innaallagiatortut pillugit Inatsisartut peqqussutaat nr. 12, 3. november 1994-imeersoq | 1. Inatsisartut peqqussutaata <i>qulequtaa</i> imatut oqaasertalerneqarpoq: ” Sanaartukkat innaallagissamut atugassat, innaallagissamut ikkussuinerit aamma atortut innaallagiatortut pillugit Inatsisartut peqqussutaat nr. 12, 3. november 1994-imeersoq”. |
| | 2. Inatsisartut peqqussutaanni tamarmi ”Nukissiorfiit” allanngortinneqarpoq imatut ”Innaallagissiornermut oqartussat”. |
| | 3. Inatsisartut peqqussutaanni tamarmi ”Naalakkersuisut” imatut allanngortinneqarpoq ”Naalakkersuisut”. |
| § 2. Sanaartukkat innaallagissamut sakkortuumut atugassat tassaapput innaallagissamik pilersuinermit atortut, innaallagissamik atortulersuutinut atortunullu allanut tamanut atassusersugaasut, sarfaat innaallagiaalluunniit iraa sakkortutigisoq navianartorsiortitsilersinnaalluni. Innaallagissamik pilersuinermit atortut tassaapput sanaartukkat innaallagissiornermut, innaallagissamik ingerlaartitsinermit agguassinernullu atorneqartussat. Atortut innaallagiatortut pilersuutillu tassaapput maskiinat, sakkuutit, atortut pilersuutillu suusulluunniit, sanaartukkani innaallagissamut sakkortuumut atukkani ilaatinneqartut ilaatinneqartussatulluunniit naatsorsuussaasut. | 4. § 2 imatut oqaasertalerneqarpoq: ” § 2. Peqqussut sanaartukkanut innaallagissamut atugassanut aamma innaallagiamut ikkussuinermit, sakkortussusia qaffassippallaartumut immaqaluunniit sarfap nukinga anertuallaartumut navianartorsiortitsilersinnaasumut atuuppoq. Peqqussut aammattaaq atortunut innaallagiatortunut atuuppoq. <i>Imm. 2.</i> Peqqussummi matumani sanaartukkat innaallagissamut atugassat paasineqassaaq tassaasut atortut innaallagissiornermut, innaallagissamik ingerlaartitsinermit, agguassinermit aamma nukissiamik innaallagiameersumik toqqorsinermit atorneqartussat. Sanaartukkani innaallagissamut atugassani ilaapput sanaartukkat sarfamut qaffasissumut aamma sakkukitsumut atugassat aammalu sarfap sakkortussusissaanut killilersugaanani. |

| | |
|--|---|
| | <p><i>Imm. 3.</i> Peqqussummi matumani innaallagiamut ikkussuinerit paasineqassaaq tassaasoq sanaartukkanit innaallagissamut atugassanit atortut innaallagiatortut aqqusersuutillu atassuserneqarnissaasa tungaanut taakkualu ilanngullugit ikkussuinerit, umiarsuarni, sinerissap avataani sanaartukkani angallattakkani, silaannakkut angallatini innaallagiamut ikkussuinerit ilaanatik aamma qamutini motorilinni innaallagiamut ikkussuinerit, qamutini motorilinnik ingerlatitsinissamut naatsorsuutigineqartut, qamutit motorillit innaallagiamik ingerlaartitat immernissaannut ikkuffiit ilaanatik.</p> <p><i>Imm. 4.</i> Atortut innaallagiatortut peqqussummi matumani paasineqassaaq tassaasut atortut sulluunniit, sanaartukkanut innaallagissamut atugassanut ilaasut imaluunniit ilaasussatut naatsorsuutigineqartut imaluunniit atassuserneqartut, atortut innaallagiatortut immikkut umiarsuarni, sinerissap avataani sanaartukkani angallattakkani imaluunniit silaannakkut angallatini atorneqartussatut naatsorsuutigineqartut ilaanatik aamma qamutini motorilinni atortut innaallagiatortut, qamutini motorilinnik ingerlatitsisussatut naatsorsuutigineqartut, imernissaannut ikkuffik qamutini motorilinnik innaallagiamik ingerlatillit ilaasussatut naatsorsuutigineqartoq, ilaanani.</p> |
| | <p>5. § 3, imm. 2-imi nr. 7 kingorna ilanngunneqarput:</p> <p>”8) Sanaartukkanik innaallagissamut atugassanik suliaqarnissamut innaallagialersuinissamullu akuersissummik allagartaqarnissamik piumasqaatinut aalajangersakkanik aalajangersaassapput.</p> <p>9) Inuit sanaartukkanik innaallagissamut</p> |

| | |
|--|--|
| | <p>atugassanik innaallagialersuinernullu nakkutilliisut ilinniarsimasuunissaannik piunasaqaatinut aalajangersakkanik aalajangersaassapput.</p> <p>10) Sanaartukkat innaallagissamut atugassat innaallagialersuinerillu nutaat pioreersullu nakkutiginiissaannut aalajangersakkanik aalajangersaassapput.</p> <p>11) Atortut innaallagiatortut misilerarneqartarnerat akuersissummillu allagartalerneqartarnerat pillugu aalajangersakkanik aalajangersaassapput.</p> |
| <p><i>Imm. 2.</i> Naammagittaalliuutip pilertortumik aalajangiiffigineqarnissaanut imaluunniit innaallagissamut tunngasunik immikkut ittunik pissutissaqarpat Naalakkersuisut naammagittaalliut immikkut ataatsimiititaliaagallartumut aalajangiiffigitissinnaavaat.</p> <p>Ataatsimiititaliamut tassunga ilaasortaassapput Kalaallit Nunaanni Sulisitsisut Peqatigiiffiannit toqqagaq ataaseq, Elnstallatørit Kattuffiata Kalaallit Nunaanni immikkoortoqarfianit toqqagaq ataaseq, Teknikkikkut Siunnersuisoqatigiit Peqatigiiffiannit toqqagaq ataaseq, Ineqartut Peqatigiiffiisa Kattuffiannit toqqagaq ataaseq aamma siulittaasoq Naalakkersuisunit toqqagaq.</p> | <p>6. § 4, imm. 2, atorunnaarsinneqarpoq.</p> |
| <p>§ 5. Naalakkersuisut makku pillugit aalajangersagaliussapput:</p> <p>1) Peqqussutip atortinneqarnera.</p> <p>2) Sanaartukkanik innaallagissamut sakkortuumut atorneqartunik atortunillu innaallagiatortunik nakkutilliineq misissuisarnerlu.</p> <p>3) Atortunik innaallagiatortunik misiliisarneq atorsinnaanerannillu uppersaasiisarneq.</p> | <p>7. § 5 imatut oqaasertalerneqarpoq: ” § 5. Sanaartukkat innaallagissamut atugassat aamma innaallagialersuinerit, inunnut, uumasunut imaluunniit pigisanut navianartorsiortitsisussaajunnaarlugit, suliarineqassapput.</p> <p><i>Imm. 2.</i> Atortut innaallagiatortut, eqqortumik innaallagialersuinermit aserfallatsaaliuinermilu aammalu siunertaminnut naapertuuttumik atorneqarnerminni inunnut, uumasuutitut</p> |

| | |
|---|--|
| | <p>imaluunniit pigisanut nalilinnut navianartorsiortitsinngitsumik, sananeqasimassapput.”</p> |
| <p>§ 6. Nukissiorfiit Naalakkersuisut akuersereernerisigut innaallagissamut tunngasutigut isumannaatsuunissaq makkununga tunngatillugu aalajangersagaliussapput:</p> <p>1) Sanaartugassat innaallagissamut sakkortuumut atugassat sananeri ingerlatinnerilu, tamakkununga ilanngullugit innaallagissiorneq, innaallagissamik ingerlaartitsineq agguaassinerlu.</p> <p>2) Innaallagissamik pilersuineranut atortut atortullu innaallagiatortut.</p> <p>3) Sanaartukkat innaallagissamut sakkortuumut atorineqartut eqqaanni imaluunniit tamakkununga atatillugit sanaartugassat allat sananeri ingerlatinnerilu.</p> <p><i>Imm. 2.</i> Nukissiorfiit innaallagissamut tunngasutigut isumannaatsuunissamut aalajangersakkat immikkut aalajangiiffigisinnaavaat.</p> <p><i>Imm. 3.</i> Nukissiorfiit isumannaatsuunissaq pillugu immikkut piumasaqarsinnaapput innaallagissamut tunngasutigut isumannaatsuunissaq pillugu aalajangersakkanit aallaassuteqartunik, piumasarisinnaallugulu sanaartukkat innaallagissamut sakkortuumut atugassat atortullu innaallagiatortut pillugit immikkut nalunaqqutsiinissaq imaluunniit immikkut ilitersuinissaq.</p> <p><i>Imm. 4.</i> Nukissiorfiit sanaartukkat innaallagissamut sakkortuumut atorineqartut atortullu innaallagiatortut ilaat innaallagissamut tunngasutigut</p> | <p>8. § 6 imatut oqaasertalerneqarpoq:</p> <p>” § 6. Innaallagissiornermut oqartussat innaallagissamut isumannaatsuutitsinissaq makkununga aalajangersagaliussapput:</p> <p>1) Sanaartukkat innaallagissamut atugassat suliarineqarnerat ingerlanneqarnerallu, ilanngullugit innaallagissiorneq, innaallagissamik ingerlaartitsineq, agguaassineq aamma innaallagiamik toqqorsineq.</p> <p>2) Innaallagiamut ikkussuinerit aamma atortut innaallagiatortut.</p> <p>3) Sanaartukkat innaallagissamut atugassat aamma innaallagialersuinerit qanitaanniittut imaluunniit tassunga atasut suliarineqarnerat ingerlanneqarnerallu.</p> <p><i>Imm. 2.</i> Innaallagissiornermut oqartussat innaallagissamut tunngasutigut isumannaatsuutitsinissamut aalajangersakkat immikkut aalajangiiffigisinnaavaat.</p> <p><i>Imm. 3.</i> Innaallagissiornermut oqartussat isumannaatsuutitsinissaq pillugu immikkut piumasaqarsinnaapput innaallagissamut tunngasutigut isumannaatsuutitsinissaq pillugu aalajangersakkanit aallaassuteqartunik, piumasarisinnaallugulu sanaartukkat innaallagissamut atugassat aamma innaallagialersuinerit kiisalu atortut innaallagiatortut pillugit immikkut nalunaqqutsiinissaq imaluunniit immikkut ilitersuinissaq.</p> <p><i>Imm. 4.</i> Innaallagissiornermut oqartussat sanaartukkat innaallagissamut atugassat atortullu innaallagiatortut ilaat innaallagissamut tunngasutigut isumannaatsuutitsinissaq pillugu</p> |

| | |
|--|--|
| <p>isumannaatsuunissaq pillugu aalajangersakkanik atuinngitsoortissinnaavaat.</p> | <p>aalajangersakkanik atuinngitsoortissinnaavaat. <i>Imm. 5.</i> Innaallagissiornermut oqartussat suliffeqarfinnut innaallagissap aqputaani sulisinnaanermut akuersissummik peqartunut imaluunniit innaallagissap aqputaani sulisinnaanermut akuersissummik qinnuteqartunut isumannaallisaanermut pitsaassusissanullu aqutseriaatsit pillugit aalajangersakkanik aalajangersaassaaq, ilanngullugit tamatumunnga uppernasaatit kiisalu tamatuminnga akuersissuteqarnissaq pillugit piumasaaqatit.”</p> |
| <p>§ 8. Nukissiorfiit sanaartukkat atortullu innaallagiatortut misissortassavaat nakkutigalugillu §§ 5 aamma 6 naapertorlugit.</p> | <p>9. § 8, <i>imm. 1</i>, imatut oqaasertalerneqarpoq: ” Innaallagissiornermut oqartussat sanaartukkat innaallagissamut atugassat aamma innaallagialersuinerit kiisalu atortut innaallagiatortut §§ 5 aamma 6 naapertorlugit misissorneqartarneri nakkutilliivigineqarnerilu isumagisaraat.”</p> |
| <p>§ 9. Nukissiorfiit atortunik innaallagissamik sakkortuumik atuisunik piginnittoq atuisorluunniit peqqusinnaavaat atortut tamakku namminneq akilikkaminnik misissorteqqullugit. <i>Imm. 2.</i> Nukissiorfiit killissaliisinnaapput atortuni tamakkunani ajoqutit amigaatilluunniit misissorneqarnissaannut iluarsineqarnissaannullu. <i>Imm.3.</i> Atortunik innaallagissamik sakkortuumik atuisunik innaallagissamut tunngasutigut isumannaatsuunissaq pillugu aalajangersakkanik eqqortitsinngitsunik atuinissaq inerteqqutigisinnaavaat. <i>Imm.4.</i> Nukissiorfiit innaallagissamut atortulersuutinut innaallagissamik pilersuineq kipitissinnaavaat imaluunniit innaallagissamik pilersuiffimmut piumasarisinnaallugu innaallagissamut</p> | <p>10. § 9 imatut oqaasertalerneqarpoq: ” § 9. Innaallagissiornermut oqartussat sanaartukkanik innaallagissamut atugassamik imaluunniit innaallagialersukkamik piginnittoq imaluunniit atuisoq nammineq akilikkaminik misissueqqullugu peqqusinnaavaat. <i>Imm. 2.</i> Innaallagissiornermut oqartussat sanaartukkani imaluunniit innaallagialersuineri kukkunernik amigaataasunilluunniit misissuinissamut aammalu iluarsiinissamut piffissamut killissaliussamik aalajangersaassapput. <i>Imm. 3.</i> Sanaartukkat innaallagissamut atugassat imaluunniit innaallagialersuinerit innaallagiap isumannaatsuunissaa pillugu aalajangersakkanik naammassinninngitsut atorneqarnissaat Innaallagissiornermut oqartussat inerteqqutigisinnaavaa. <i>Imm. 4.</i> Innaallagissiornermut oqartussat</p> |

| | |
|--|---|
| <p>atortulersuutitut pineqartunut pilersuineq kipiteqqullugu</p> | <p>sanaartukkanut innaallagissamut atugassanut aamma innaallagialersuinernut innaallagiap isumannaatsuunissaa pillugu piunasaqaatinik naammassinninngitsunut innaallagiamik pilersuineq qamitsissinnaavaat imaluunniit sanaartukkanut innaallagissamut atugassanut imaluunniit innaallagialersuinernut qamitsinissaq innaallagiamik pilersuineranut suliffeqarfimmut piunasarisinnaallugu.</p> |
| <p><i>Imm. 2.</i> Nukissiorfiit imaluunniit inuit Nukissiorfinit piginnaatinneqartut kinaassutsiminnut uppernarsaammik takutitaqarlutik eqqartuussinertaqaangitsumillu sukkulluunniit pisinnaatitaassapput innaallagissamik sakkortuumik atuiffinnut tamanut kiisalu ininut, atortunik innaallagiatortunik sanaartorfiusunut, nioqquteqarfiusunut, toqqorsiviusunut imaluunniit atuisoqarfiusunut isernissaminnut.</p> | <p>11. § 11, <i>imm. 2-3</i> imatut oqaasertalerneqarpoq: <i>Imm. 2.</i> Innaallagissiornermut oqartussat imaluunniit inuit Innaallagissiornermut oqartussanit piginnaatinneqartut kinaassutsimut uppernarsaammik takutitsillutik aammalu eqqartuussivimmi aalajangiinertaqaangitsumik, sanaartukkanut innaallagissamut atugassanut aamma innaallagiamut ikkussuinernut tamaginnut kiisalu ininut atortunik innaallagiatortunik sanaartorfiusunut, tuniniaaffiusunut, toqqorsiviusunut imaluunniit atuiffiusunut tamaginnut isersinnaapput. <i>Imm. 3.</i> Kinaassutsimut uppernarsaat Innaallagissiornermut oqartussanit tunniunneqassaaq.”</p> |
| <p><i>Innaallagissamut sakkortuimut atortunik sanaartorneq ingerlatsinerlu</i></p> | <p>12. § 14-ip <i>siornani qulequtaa</i> imatut oqaasertalerneqarpoq: ” <i>Sanaartukkanut innaallagiamut atorneqartussanut sanaartukkat aamma ingerlatsineq</i>”</p> |
| <p>§ 14. Innaallagissamut sakkortuumut atortut sananeqartassapput ingerlanneqartassallutillu Inatsisartut peqqussutaanni uani aalajangersakkat naapertorlugit.</p> | <p>13. § 14 imatut oqaasertalerneqarpoq: ” § 14. Sanaartukkat innaallagissamut atugassat Inatsisartut peqqussutaanni matumani aalajangersakkat naapertorlugit sanaartorneqassapput ingerlanneqassallutillu.”</p> |

| | |
|---|--|
| <p>§ 20. §§ 6, 8-11, 13-14 18-imillu unioqquitsinernut akiliisitsisoqarsinnaavoq.</p> <p><i>Imm. 2.</i> Peqqussut una naapertorlugu malittarisassiani aalajangerneqarsinnaavoq unioqquitsineq akiliisitsissutaasinnaasoq.</p> <p><i>Imm. 3.</i> Unioqquitsineq aktiaateqarluni ingerlatseqatigiiffiup, piginneqatigiilluni ingerlatseqatigiiffiup, piginneqatigiiffiup, peqatigiiffiup, suliffeqarfiup imminut pigisup, aningaasaateqarfiup assigisaasaluunniit unioqquitsinerippassuk inuk taakkunani inatsisilerituutut sulisoq taamatut akiliisitsissutissanut akisussaatinneqarsinnaavoq.</p> <p><i>Imm.4.</i> Unioqquitsineq Namminersornerullutik Oqartussat, naalagaaffiup, kommunip imaluunniit kommunit ataatsimoortut unioqquitsinerippassuk Namminersornerullutik Oqartussat, naalagaaffik, kommuni imaluunniit kommunit ataatsimoortut akiliisitsissutissanut akisussaatinneqarsinnaapput.</p> | <p>14. § 20 imatut oqaasertalerneqarpoq: ” § 11, imm. 1-2, aamma § 18 unioqquatinneqarnerat, Kalaallit Nunaannut pinerluttulerinermut inatsit malillugu akiliisitsinertut ilusilimmik pineqaatissiinermik malitseqarsinnaavoq. Aammattaaq § 9, imm. 1 aamma 3, § 10, imm. 2, naapertorlugit inerteqquteqarnerit unioqquatinneqarneranni kiisalu § 6, imm. 3, aamma § 10, imm. 3-4 naapertorlugit peqqusissuteqarnerit malinneqangippata, akiliisitsinermik pineqaatissiisoqassaaq.</p> <p><i>Imm. 2.</i> Peqqussutini peqqussut manna naapertorlugu aalajangersagaasuni, Kalaallit Nunaannut pinerluttulerinermut inatsimmi maleruagassat malillugit akiligassiinertut ilusilimmik pineqaatissiissutissat aalajangersarneqarsinnaapput.</p> <p><i>Imm. 3.</i> Inatsisartut peqqusutaanni imaluunniit peqqussutini taanna malillugu aalajangersagaasuni akiliisitsinissamik aalajangersaanissaq tunngavissinneqarsimappat, Kalaallit Nunaannut pinerluttulerinermut inatsimmi maleruagassat malillugit pisinnaatitaallutillu pisussaataasut akiliisussangortinneqarsinnaapput.</p> <p><i>Imm. 4.</i> Akiliisitsinerit Inatsisartut peqqussutaat manna imaluunniit maleruagassat Inatsisartut peqqussutaat manna naapertorlugu aalajangersagaasut naapertorlugu pineqaatissiissutigineqartut, Nunap karsianut tutsinneqassapput.”</p> |
| | <p style="text-align: center;">§ 2</p> <p>Inatsisartut inatsisaat atuutilerpoq 1. juli 2019.</p> |

3. Pisortanut aningaasaqarnikkut allaffissornikkullu sunniutaasussat

Allangortitsinerit teknikkimut tunngassuteqarput, taamaattumik siunnersuut pisortanut sunniuteqassasoq naatsorsuutigineqanngilaq. Innaallagissiornermut oqartussat Nukissiorfinnut aningaasaliissutit ataanni Inatsisartut peqqussutaata allaffissornikkut aqunneqarnera ullumikkut isumagisarereerpaat. Nukissiorfinnut maannakkut aningaasaliissutaasut, Innaallagissiornermut oqartussani ingerlatsinerimut naapertuuttumik aningaasartalerlugit, annikillisinneqassapput, tamatuma kingorna Innaallagissiornermut oqartussat inatsimmi immikkut aningaasanut kontoqalissallutik.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut sunniuteqarnissaa naatsorsuutigineqanngilaq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut imaluunniit inuit peqqissusaannut sunniuteqassanngilaq.

6. Innuttasunut sunniutaasussat

Siunnersuut innuttaasunut sunniuteqassanngilaq.

7. Sunniutaasussat annertuut allat

Siunnersuut allanik annertuunik sunniuteqassanngilaq.

8. Oqartussanut kattuffinnullu il.il. tusarniaaneq

Siunnersuut piffissami 6. november 2018 - 4. december 2018 tusarniaaffigineqartuni makkunani tusarniaassutigineqarpoq:
Sulisitsisut.

Siunnersuut taamatuttaaq Namminersorlutik Oqartussat ingerlatseqatigiiffiit namminersortitanut Nukissiorfinnut aamma Mittarfeqarfinnut saqqummiunneqarpoq. Innaallagissiornermut oqartussat siunnersuutip suliarineqarneranut atatillugu teknikkikkut ikiuupput

Siunnersuut taamatuttaaq piffissami tassani Naalakkersuisut tusarniaanermut nittartagaanni tamanut saqqumitinneqarpoq.

Sulisitsisut aamma Mittarfeqarfiit siunnersuummut oqaaseqaatissaqanngillat. Nukissiorfiit aamma Innaallagissiornermut oqartussat tamarmik siunnersuummut akuersaartumik isummerput.

Tusarniaaneq allanik oqaaseqaateqarnissamut pissutissaqalersitsisimannngilaq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Qulequtaanut ilanngunneqarpoq ”innaallagialersuinerit”, inatsisartut peqqussutaat taamatuttaaq innaallagialersuinerit atuuttoq erseqqissarniarlugu. Tamatuma saniatigut sarfaq sakkortoq peerneqarpoq, tassami oqaaseq taanna pisuni aalajangersimasuni eqqunngissinnaammatt. Tamatumuuna erseqqissarneqarpoq peqqussut sanaartukkanut innaallagiatortut tamaginnut atuuttoq.

Nr. 2-imut

Allanngortitsinerup malitsigisaanik Innaallagissiornermut oqartussat inatsisartut peqqussutaat naaportorlugu oqartussatut aalajangiisinnataasoq, erseqqissumik allassimalerpoq.

Nr. 3-imut

Aalajangersagaq Kalaallit Nunaanni namminersornerup eqqunneqarsimanerata malitsigisaanik sunniutaasumik iluarsineruvoq.

Nr. 4-imut

Aalajangersakkami § 2-imi nassuiaassut siusinnerusukkat atuuttoq itisilerneqarpoq. Aalajangersagaq erseqqinnerulerpoq eqqornerulerlunilu, kisianni peqqussutip atuuffissaata annertusitinnissaa siunertaanani.

Nr. 5-imut

Aalajangersakkami aalajangersarneqarpoq Innaallagissiornermut oqartussat, gassileriviit, gassinut atortut aamma akuersissuteqarnissamut piumasaqaatit pillugit Inatsisartut inatsisaannituulli, atugassanik suliaqarnissamut akuersissuteqarnissamut piumasaqaatit, ilinniartitaanissamut piumasaqaatit pillugit maleruagassanik kiisalu sanaartukkanik nutaanik pioreersunillu nakkutilliinissaq pillugu maleruagassanik, aalajangersaasinnaapput.

Nr. 6-imut

Aalajangersagaq atorunnaarsinneqarpoq, tassami suliaqarnermi atornerqarsimanngisaannarmat. Naalakkersuisut tamatumunnga taarsiullugu, Innaallagissiornermut oqartussat naammagittaalliutigineqarnerannik nalilersuinissamut tunngatillugu tamanna pisariaqarpat, suliamut ilisimasalinnit ikiortissarsiniarsinnaapput.

Nr. 7-imut

Aalajangersagaq, Inatsisartut peqqussutaata allaffissornikkut aqunneqarnerata Innaallagissiornermut oqartussanut tunniunneqarnerata, taamaalillunilu aalajangersakkap imarisaasa peqqussutip ilaannut allanut nuutinneqarnerisa, sunniutigisaanik allatut

oqaasertalerneqarpoq. Aalajangersakkap nutaamik oqaasertalerneqarnera, danskit innaallagiamut isumannaallisaanermut inatsisaanni § 3-imut naapertuuppoq aammalu sanaartukkat innaallagiamut atugassat ikkussuinerillu suliarineqarnissaannut tunngaviusut nalinginnaasut allassimallutik.

Nr. 8-imut

Aalajangersagaq § 6-imut atuuttumut annertuumik naapertuuppoq, kisianni atuaruminatuunissaa eqqasaatigalugu nutaamik oqaasertalerneqarluni.

Erseqqissarneqarpoq Innaallagissiornermut oqartussat innaallagissap aqutaani sulisinnaanermut akuersissummut piumasaqaatit isumannaallisaanermik pitsaassutsimillu aqutseriaatsit pillugit aalajangersakkanik aalajangersaasinnaassaaq.

Aalajangersagaq § 6 naapertorlugu aalajangersarneqartoq annertuumik innaallagissap aqutaani sulisinnaanermut akuersissuteqarnernut tunngassuteqassaaq. Taamaattumillu innaallagissap aqutaani sulisinnaanermut akuersissummik pissarsinissamut peqaannarnissamullu aammalu sanaartukkanik innaallagiamut atorineqartussanik imaluunniit innaallagiamut ikkussuinerillu suliaqarnissamut ingerlatsinissamullu atugassarititaasut annertuumik isigineqarsinnaalluni.

Nr. 9-imut

Aalajangersagaq § 8, imm. 1-imut atuuttumut naapertuuppoq, taamaattoq innaallagialersuinerit taamatuttaaq aalajangersakkami pineqartunut ilaasut erseqqissarneqarluni.

Nr. 10-imut

Aalajangersagaq § 9-imut atuuttumut naapertuuppoq. ”Sarfaq sakkortoq” atorineqarunnaarneranut atatillugu atuaruminartuunissaa eqqarsaatigalugu aalajangersagaq nutaamik oqaasertalerneqarpoq.

Nr. 11-imut

”Sarfaq sakkortoq” atorineqarunnaarnerata malitsigisaanik, allannguut teknikkimut tunngassuteqarpoq.

Nr. 12-imut

”Sarfaq sakkortoq” atorineqarunnaarnerata malitsigisaanik, allannguut teknikkimut tunngassuteqarpoq.

Nr. 13-imut

”Sarfaq sakkortoq” atorineqarunnaarnerata malitsigisaanik, allannguut teknikkimut tunngassuteqarpoq.

Nr. 14-imut

Pineqaatissiisarnermut aalajangersakkat, pineqaatissiisarnermut aalajangersakkat
assigniisaartinneqarnissaat eqqarsaatigalugu, nutaamik oqaasertalerneqarput.

Tamatuma saniatigut ilanngunneqarpoq, akiliisitsinerit pineqaatissiissutigineqartut Nunap
karsianut tutsinneqartassasut.

§ 2-imut

Siunnersuutigineqarpoq Inatsisartut inatsisaat ulloq 1. juli 2019 atuutilissasoq.